



31. juli 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. Naalakkersuisut qanoq ilillutik qulakkeerniarpaat, nunanit allaniit sulisitat suliffeqarfiillu, piffissami sivikitsuinnarmi (ullut 183-it ataallugit) Kalaallit Nunaanni sulisartut, nalunaarsorneqarneri eqqortumillu nalilersorneqarneri akileraartussaataaneq tunngavigalugu malittarisassat atuuttut marloriaammik akileraartarnermut isumaqatigiissutitut tunngatillugu?
2. Naalakkersuisut isumaliutigisimanerlugu nakkutilliisuutitanik pilersitsigallarnissaq imaluunniit attaneqartussanik pilersitsinissaq, soorlu assersuutigalugu suliffissat nalliuteruttorfiini sukumiisumik sulisartussamik, suliaqarfinni takornariartitsinermi sanaartornermilu nalunaarsuineramik akileraarnermullu akiliutitut nakkutilliisussamik?
3. Naalakkersuisut nalilersorsimanerlugu takornarianut akitsuummik eqqussisinnanissaq imaluunniit nunanit allaniit suliaartortunut immikkut pisinnaatitsissummik eqqussisinnanissaq, marloriaammik isumaqatigiissutit Kalaallit Nunaanni akileraartussaataanerup killilersorneranut taarsiissutitut?
4. Naalakkersuisut suliniutinik aallartitsisimanerpat nunanit allaniit suliaartortut digitalimik nalunaarsortarnissaannut, soorlu assersuutigalugu nunatsinnut tikinneranni imaluunniit illumik inniminniineranni, akileraarutitigut nakkutilliinerunissaq siunertaralugu?
5. Naalakkersuisut isumaliutiginerlugu Danmarkimut isumaqatiginninniarnissaq marloriaammik akileraarnermut isumaqatigiissutit artikel 15 tulluussarnissaanut, taamaasilluni Kalaallit Nunaat pitsaanerusumik periarfissinneqassammat nunanit allaniit sulisitanut akileraarusersuinissamut, pingaartumik pisortanit taperneqartunit imaluunniit attaveqaasersuinermut tunngassuteqartunik suliffeqarfinni?

(Inatsisartunut ilaasortaq Jørgen Rosbach, Demokraatit)

Tunngavilersuut

Ulloq 10. juni 2025 Naalakkersuisunut apeqquteqaatiga nassiuppara piffissap ilaannaani sulisoqartarnermut akileraartarnermullu pissutsit pillugit imaqartumik (§37-apeqqut normu 62/2025).

Allakkami ullulernerqarsimasumi 8. Juli 2025 apeqquteqaatima akissutai tiguakka. Akissuteqaatit pissutissaqartilerpaanga qulaani taaneqartutut apeqquteqaateqaqqinnissannut.



DEMOKRAATIT
DEMOKRATERNE

Taakku saniatigut siusinnerusukkut apeqquteqaatinut nassiussannut tunngavilersuutikka innersuussutigaa.

Apeqquteqaatima ullut suliffiusut qulit iluanni akineqarnissaat qilanaara.